



**POLITICKI.BA**

Mi dajemo činjenice.  
Vi sudite.

Politika ▾

PROMO ▾

Vijesti ▾

Biznis ▾

Zdrav

Početna / Vijesti / BiH

BiH

## Zašto je MUP RS temeljito pretresao ured tužiteljice Gordane Tadić?

🕒 14.03.2021. 08:20 👤 politicki.ba 👁 510

**Niti jedna državna institucija nije obaviještena o ovom događaju.**



Pripadnici policije entiteta Republika Srpska u petak, 12. marta, boravili su u Tužilaštvu Bosne i Hercegovine, gdje su temeljito pretresli ured glavne tužiteljice Gordane Tadić, saznaje politicki.ba.

Šokirani uposlenici ove državne institucije obaviješteni su da se “ne brinu”, da je “sve pod kontrolom” u da su “mupovci iz RS” tu na osnovu poziva glavne tužiteljice.

Svjedocima boravka i "češljanja" kancelarije glavne tužiteljice naređeno je da o ovome šute.

Saznajemo da su "mupovci" (svjedoci su prepoznali inspektore iz policije manjeg bh. entiteta) tražili eventualne prislušne i/ili uređaje za snimanje.

Glavna tužiteljica nije bila na poslu, a pregledu kancelarije prisustvovali su ljudi od njegov povjerenja čija su imena i funkcije poznati redakciji politicki.ba.

Niti jedna državna institucija nije obaviještena o ovom događaju.


MUP RS nema ovakve nadležnosti i njihov boravak i rad u Tužilaštvu BiH kriminalan je ne samo zbog toga, već - mnogo više - činjenice da su došli na poziv glavne tužiteljice.


Ako je imala sumnji ili saznanja da su joj u uredu (ili bilo gdje) postavljeni prislušni ili uređaji za snimanje, o tome je morala upoznati nadležne državne agencije – SIPA-u i/ili OSA-u.


Činjenica da su "mupovci iz RS" obavili posao na njen poziv više je nego alarmantna!

 Tužilaštvo BiH

 Gordana Tadić

 OSA

 SIPA

 Pretres

 MUP RS